

VODLIBETARIIS DISPUTATIONIBVS MANE DISCVTIENDA IN SCHOLIS

Medicorum, die Iouis XXVIII. Aprilis, Magistro GVILLELMO DV VAL Doctore Medico, & Professore Regio Præsiede.

Risus in Phrenitide est-ne felix praesagij?

CORPORVM affectiones sunt sanitas & morbus, non spirituum. Mens Angelicæ conditioni suppar, ipsa sibi viuens, suâque consistens hypostasi, floret intacta in Elysij campis immortalitatis; atque morte, sic & morbo omni superior existit. Sed quia corpori moritur, secedendo; ideo ægrotat in corpore, ipsum informando. Mentis affectus ut est ab organi Kacopragiâ, sic eiusdem secessus à perfectâ materiæ: quæ amorem simulans formæ huius vel illius, sese interim alijs dolose mancipat, utiugulet vel dimittat omnes; nouitatis auida, fœdistraga, turpis, adultera, iners, obscura, fæx & fraus naturæ limus Physicæ, crux Medicinæ, næuus & caligo Sapientiæ, odium entis, principium denique corruptionis. Malum tamen necessarium, à quo licet nulla vis aut facultas; vincam nihilominus formam (quæ serua Reginam) ipsâ notiozem, medico non spernendam tener, suoque obligat temperamento. Hinc animi mores sequuntur temperamentum corporis. Hinc læso cerebro, mens offenditur & delirio miris modis: cuius tamen deerrationes ut deploratas nuntiant lacrymæ, mœror, anxietas, studium, temeritas, ferocia; sic contrâ placidus ac mollis risus, naturæ amicus singularis, promittit securas & leuiiores.

PORRET in praxi medicâ videre, prouidere, prouidere. Videmus Diagnosi, prouidemus Prognosi, prouidemus Therapiâ. Sed æstimamus omnia ex signis: quæ si essentiam morbi monstrant, diagnostica sunt; si exitum, prognostica: Triumphant solertes & ingeniosi in discernendis morbis & coniectione causarum, sapientes in prælagijs, prudentes in curationibus; maximè si norint *isgnosticas*. Consulta curatio est ex eubuliâ, synesi, gnome. Curat Medicus Calliam, non hominem. Hic non meliores qui subtiliores, aut etiam qui doctiores. Ideo Medicina difficillima, quia præter polythiam insignem, summè est addicta prudentiæ. Qui præuidet ut caueat, prudens; alioqui sapiens tantum & penè diuinus. Diagnosi prior Prognosi. Nemo enim præuidet, nisi viderit morbi speciem quam pars affecta cum genere proximo definit: quamvis diagnostica & prognostica ex eodem fonte. Morbus enim, ut forex, suo se prodit indicio. Phrenitis plena periculi, quia cerebri phlegmone, vel erysipelas Apoplexia lethalis; quia meatuum cerebri obstructio. Peripneumonia anceps; quia pulmonis inflammatio.

VÆ Diagnostica Phrenitidis, eadem Prognostica. Delirium, febris, temeritas, risus, lacrymæ, vigilæ, rubor & squallor fixorum oculorum, linguæ asperitas, clangor vocis, locutio crebra & deordinata substillum sanguinis è naribus, iactatio corporis, manuum agitatio, respiratio magna & rara, pulsus frequens, exiguus, tremulus, urinæ & fæces albæ, *δυσουρία, κατὰ φρενίαν, κρυδιόφυες*. Hæc quippe faciunt ad morbi dignotionem & ad prælagium. Et quanquam non omnis Phrenitis hoc særelitio stipata sit, pathognomonica tamen sunt delirium & febris. Est enim Phrenitis, continua omniumque pessima mentis abalienatio, cum acutâ febre, nata ex inflammatione meningum & substantiæ cerebri. Sed hinc multa pullulant ex dictis, symptomata. Quæ quò mitiora & lætiora, eò etiam feliciora. Temperies cerebri, quæ mens est Hippocrati, læditur innumerabilibus modis; Hinc genera deliriorum, quorum longa series. Stultorum infinitus numerus. Gariunt & nugantur *ἀναρδῆς*, nullo nexu verborum, nullo sequio sententiarum. Maniaci insaniant & furore perciti in obuios quosque, ferarum instar, insiliunt. Melancholici desipiunt, tristantur, metuunt sine causâ, silent, oderunt lucem & homines. Hoc humore cacodæmones (qui prolem fuscitare possunt, & Magico ligulæ nodo coniugalem copulam impedire) delectantur, ut luto faes. Ideo energumeni melancholici terribiles, quorum iudicium fori medici est.

CYTRA febre differt ab omni delirio Phrenitis, propterea sæpe lethalis; præsertim si primaria est, & à flauâ bile, eaque exusta & in atram degenerante. Tunc enim signa funesta emicant, suo progressu peiora. Delirium cum studio, quasi res serias æger agitare, ferocia, anxietas, fastidium potus, conuulsio, tremor, oculi cruenti & lacrymantis, palpebrarum depressio, lingua nigricans, suspiria, vox remissior deiectiones & urinæ bilis expertes, pulsus durus, paruus, inæqualis, formicans, virium exolutio. At dum Phrenidem committit sanguis humorum omnium mitissimus & suauissimus; vel è calidiori vapore intemperies, qualis ex ebrietate contingit, in tutiore loco omnia sunt; tuncque felix prælagij elucefcunt argumenta. Pulsus mollior, & validior, ioci, sales, diætaria iucunda, vox clara, limpida, firma, sermo facilius, elegans, promptus, expeditus, securitas animi, lætitia, frons exporrecta, facies florida, somnia quietiora, spectra gratiora, nitidiores oculi; quibus si superueniant varices, hæmorrhoides, dysenteria, cum flauis deiectionibus & vrinis aurcis, maiore fiducia salus pronuntianda: præsertim si ægro non desit Medicus repetitâ pluries venæ sectione, non tam vicibus quam viribus æstimanda: clysmis mollioribus crebrè iniectis: cholagogo blandiore raro, rasurâ capillorum, embroche ex oxÿrrhodino, anacollematis modicè refrigerantibus, cucurbitulis ad humeros appressis cum altiore scarificatione, hirudinibus ad tempora, pedum lotione, victu parco refrigerante & humectante, neglectis potentioribus hypnoticis.

ED risus vnus *δὲν ὑμῶν*, qui ut in Maniâ, Melancholiâ, Paraphrenitide, sic & in exquisitâ Phrenitide, salutem annuntiat: si modò angore animi, ferociâ, suspirijs non interruptus; pleno ore fiat, valido pectore, clarâ voce, serenis & micantibus oculis, genis deniq; flauis & rubentibus. Quippe risus eiusmodi etiam qui in cachinnum attollitur, ut animi securitatè, cerebri libertatem, spirituum claritatem, cordis gaudium, robur diaphragmatis, virium constantiam; sic & exuberantiâ indicat feruentis sanguinis, quò cerebrum eiusq; meninges imbuntur & incallescunt. Atqui morbi à sanguine clementiores & curatu faciliores: & temperamento sanguinei ut ad risum, facietas, amores, vitamq; geniale procluesunt argumenta; ita diutius, salubriusq; viuunt. Quid verò? An non Risus redeuntis ad se mentis, aut mox redituri si-
bentione rei iucundæ, nouæ, inexpectatæ, vnde admiratio in mente, gaudium in corde, quæ vibrationem & dilatationem faciunt in diaphragmate; musculis thoracis, interdum & oculorum, hinc à lætiori risu lætitiæ & contractionem in labris. Quidni igitur visâ hac vernantis Risus amœnitatè, quæ ridente floribus viridario, lætetur ipse Medicus? quidni visâ rosâ hac & punicante aurorâ, expectet aduentum mentis, quæ primum, quasi Sol, illuxerit; nebem humoris morbifici sit discussura, & sanitatis diem redditura?

Ergo risus in Phrenitide est felix praesagij.

Asserebat Lutetiæ CAROLVS LE CLERCQ Aurelianensis. Anno R. S. M. DC. XVI.

DOMINI DOCTORES DISPUTATVRI.

M. Claudius Gervais.
M. Franciscus Guenault.
M. Michaël Francier.

M. Joannes Merlet.
M. Gabriel Harduinus de S. Jacques
M. Michaël de la Vigne.

M. Petrus Seguin Med. & Profess. Reg.
M. Joannes de Renou.
M. Petrus Pijard.